



dedemesaledema ai 24 d'agost, San Berto

ales **7:30** prozesciun da San Linert a La Crusc,
(ales 8:45 dala staziun a munt dal lift)
ales **9:30 s.m.** en onú de San Berto y prozesciun eucaristica.

Le lift da La Crusc é en funziun dales 08:30 ales 17:30.



Vita de ploania y de paisc



“I te cherdí con to ennom” dij le Signur.

La ploania d'La Pli tol sö con ligreza te söa comunité **Lorena Ritsch** (Tomele da Rara) y ti fej les mius aodanzas ai geniturs Ulrich y Vera: Idio, la Oma dal Ci y la Santa Patrona acompagneii Osta möta con söa benedisciun y proteziun.

- **Müdzium:** al ven lascé alessei che l'orar dles gran messes dla **domegna ai 4 de setember** é gnü müdé. Ales 6:00 gran messa a Al Plan y **ales 10:00 gran messa a La Pli.**



Enformaziuns y termins

Le cor Kyrios con band, sot ala direziun fresca de Julia Frenademez, ten n concert modern ai 1, 3 y 4 de setember a La lla, tla Ciasa dla Cultura. I posc pó gní rerservés online (www.kyrios-badia.it) o por telefonn ☎ 377 3079812 (17:30 – 19:00). I seis düc der bel enviés!

L'Orchestra Val Badia, en colauraziun con Smach, envieia düc al concert tla Val dl'Ert, en domegna, ai 21 d'agost, dales 17:00. Tal cajo de bor tomp ven le concert tigní tl Istitut Ladin Micurá de Rù.

**Döta la sapionza de cösc monn
se lascia dí te döes lignes:
Ci co ven fat por te – lascele sozede.
Ci che tö deses fá – ciara da le fá.**

Sapionza dai Sufi

Döt le bun a: Angelo Maneschg * 22.08.1936
y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns: cina le **dedemesaledema** sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 Mhz

UNITÉ PASTORALA




VAL BADIA
www.unitepastorala.org

Ann C

21.08.2022 - 21. domegna ia por l'ann

n. 39

Che ven pa salvé?

 **Is 66, 18–21 | Ebr 12, 5–7.11–13 | Lc 13, 22–30**

Dal Vangelo do San Lúca:

Te chel tomp²²jea Gejú sön so tru adancuntra a lerúsalem ensignenn da ciüté a ciüté y da paisc a paisc.²³Danló él sté önn co l'á damané: Signur, n'él ma püc co ven salvés? Al ti á dit:²⁴Proésse con dötes les forzes da passé por la porta stronta; deache trec, ves diji, proará da roé ete, mo ai ne sará nia bogn.²⁵Sce le patrun de ciasa lea sö y sara pro la porta, resteise defora, i tlocherareis pa porta y i cherdareis: Signur, daüresse! Mo el ves respognará: I ne sa nia da olach'i seis.²⁶I dijareis spó: I án pö mangé y boü con te, y tö as pö ensigné sön nostes plazes.²⁷Mo el ves respognará: I ves diji, i ne sa nia da olach'i seis. Demez da me, i eis düc fat de tort.²⁸Danló beriarieste y rotarieste i donz, canch'i odeis che Ábraham, Ísach y Iácob y düc i profec é tal regn de Dio, mo che os enstesc seis slüc fora.²⁹Y an gnará dal orient y dal ozident y dal nord y dal süd y se sontará pa mesa tal regn de Dio.³⁰Spo nen sarál dai ultimi co sará i pröms y dai pröms co sará i ultimi.

I ponsun do: *Ince nos oresson damané a Geju:*


N'él ma püc a chi che la vita garetá y co ven salvés? Ci sozedarál pa con me? Ci n'en sarál pa de cösc monn? Ince nos, desco l'el tal vangelo, ne ciafun nia na spligaziun plü avisa, mo ma cösc avertimont: «Passede por la porta stronta». I ne desson nia damané can y co ch'al sará, mo i desson fá val; i messun se da da fá, por che nos y ince d'atri ciafi le tru da jí tal Regn de Chel Bel Dio.

I periun: *Bel Dio, tö ós se salvé y se scinché la comunanza con te. Deidesse reconesce y vire do töa orenté.*

Por Gejú Crist, nosc Signur.

Vesco Wilhelm Egger "Sonntagsbibel"



 **Letöres dla 22. domegna ia por l'ann:**

Sir 3, 17–18.20.28–29 | Ebr 12, 18–19.22–24a | Lc 14, 1.7–14

Edema liturgica dai 21.08. ai 28.08.2022

DOM 21.	21. domegna ia por l'ann	<i>Pio X., Balduin, Isabella</i>
06:30	gran messa a Al Plan	
09:30	corona por la pêsc	<i>oferta por la ploania</i>
10:00	gran messa por dōta la ploania	♪ <i>Mosaic</i>
	s.m. d'aniversar por † Anna Ploner Rigo, Alnei	
	s.m. por †† Jep y Angela Rovara, Plans	
Lön 22.	<i>memoria de Santa Maria Regina, Regina, Siegfried</i>	
→ 19:30	s.m. por †† Anna (aniversar) y Fortunato Agreiter, Alnei	
	s.m. por † Monica Peslalz Rubbú, Tlea/Genova	
	s.m. por † Pietro Paolo Pedevilla, Al Plan	
Ded 23.	<i>Rosa da Lima, Richild</i>	
07:30	s.m. a Antermeia	
Dem 24.	fešta de San Berto apostul, Isolde	
Jöb 25.	<i>Senese, Ludwig, Josef da Calasanz, Patrizia</i>	
07:30	s.m. a Rina	
→ 19:30	oraziun da Taizé	
Ven 26.	<i>Gregor, Teresa, Alexander</i>	
07:30	s.m. a Al Plan	
Sab 27.	<i>Monica, Gebhard</i>	
07:30	s.m. d'aniversar por † Albert Frontull, Longega	
	s.m. por les families Konrater, Biei defora	
	s.m. do entenziun dla fam. Ploner, Valsperch	
11:00	funziun dal Bato de Lorena Ritsch	
18:00	s.m. prefestia a Al Plan	
DOM 28.	22. domegna ia por l'ann	<i>Agostin, Elmar, Adelinde, Linda</i>
06:30	gran messa por dōta la ploania	<i>oferta por la ploania</i>
	s.m. de ringraziament por les families de Nichele	
	s.m. do entenziun dla fam. Isidor y Frieda Agreiter, Brach	
10:00	gran messa a Al Plan	
<i>ampola:</i>	do entenziun dles families de Nichele	
<i>ministronc:</i>	<ul style="list-style-type: none"> • lönesc y sabeda: Francesco E. y Tobias • domegna: Daniel y Manuel, Natalie y Moses 	
<i>i recordun:</i>	Vinzenz Pedevilla, <i>Bornech</i>	† 22.08.2015
	Elena Fiung ved. Prada, <i>San Martin</i>	† 23.08.2013
	Rosa Daporta, <i>Graz</i>	† 24.08.2012
	Franz Kastlunger	† 26.08.2020
	Paola Obojes, <i>Lungiarü</i>	† 27.08.2020



Na oraziun dla doman

L'amur de Dio vái sō sora me
desco le sorecl co s'alza tal orient,
y lasci raié so müs te me
plü bel ch'al lomina.

Al m'arjunji con sōa löm
y mo scinchi ligreza,
da jí ete tal de nō,
co m'é gnü scinché.

Al mo lasci ciafé la ligreza da vire
y da ti avei creta ai impuls
ch'al mo dá empara
desco segn de sōa vijinanza.


Al mo dá energia y fantasia
da porté a soluziun i misters dal de,
y ne mo lasci nia gní gram,
sce nii scrüs mo turbeia la löm
o mo tol cinamai l'odüda.

Al mo lasci ciafé ombries
sc'al mo brüj y fej me,
y n post olach'i pó palsé
y recuperé forzes nées
por le tomp co ven do.
Al mo lasci goder la sera
y mo fá morveia
por le laur de mies mans.

Y chel ch'i á metü man y n'á nia roé
chel dessel el porte a fin.

Cösc déssel mo conzeder le Dio plen d'amur:
le Pere, le Fi y le Spirit Sant. - Amen.

da „Parores por vigni momënt”



Die Bibel



„Die Bibel ist ein Bergwerk, in dem man nach Schätzen graben kann“, heißt es in einem Zitat von Markus Mayer. Vielleicht sogar: In dem man graben *muss*, um die meisten Schätze zu entdecken. Um den Reichtum des Wortes Gottes für mich zu heben, braucht es Zeit und die Bereitschaft zum Lesen und Nachdenken. Gut, wenn einem erfahrene Bergleute zur Seite stehen.